

紹興縣志資料第一輯

第六冊

第六冊（重訂分冊）

紹興縣志資料第一輯

杭州古籍書店複印

吳梓題名

刻高二尺四寸廣二尺一寸
六行行七字正書徑三寸

建安吳梓才父拉

餘杭喻松子公吳

興許孝慈明叔海

陵周郝其得隆興

甲申清明日同遊

男然默燾侍行

按南宋初有吳棫字才老曾撰韻譜五卷武夷徐藏序之稱與藏同鄉里而其祖後居同安則本貫亦建安矣梓疑卽棫之兄弟行也

蓬萊閣烹平石經

石八方俱高二尺七寸廣一尺二寸經十三段錄書徑一寸第六方下跋四行行二十字行書徑五分第七八兩方跋共二十三行行三十四字正書徑

分五

其或迪自怨

之勞爾先予不

能迪古我先后

興降不永於戮今

建乃家 殷

伊鴻水白陳其又行

建用皇極次一白艾用三德

潤下作鹹口上作苦曲直

良二白貨三白祀四白司

極凡厥庶民無有淫口人無

明人之有能有爲使ソ其行

路毋偏毋黨王道蕩

爲天下王三德一白

家而凶口而國人

子

道出于不詳於戲君□白時我

去月臨

惟是偏心是以爲劑 曷屢

沔一曲言采其蕢予其之子美

誰知之蓋夫勿思 園有棘其

父兮父□白哇予子行沒尸

哉猶來□□ 涉帖三章立

兮不稼不耒胡取禾三百廩

特兮予君子兮不素食兮 飲

食我黍三歲宦女

蟋蟀在堂歲聿其逝今我不樂

句 山有蘆隰有榆子有衣

酒食胡不日

喜樂

既見君子

易

東序

卒爵坐奠爵拜執

人三洗升媵觥于賓

上拜受爵于筵前

酋公荅拜媵爵者立

媵爵者執觶詩

公

郊請反命

一人君命聘于

善乎受上介幣

賜使者幣使者

上今望亦如之

練冠从

□□□□

□□□羊□者何

志公曰百姓安子諸侯

之辭也 釋者可公

耳道之以声

方我我對曰母違樊迟□□

子夏問孝子曰色有□□

人焉廋 子曰溫故□□□

邇斯害也已 子曰□□女

爲則民服孔子曰□□□□

告云孝于帷孝友于兄□□□

令殷禮所損益可知□

枉道而事人可□去父母之國 □景公侍孔子曰若季氏子曰鳳兮凡兮仁而禱之哀也
淫□□可諫也來者猶可追也執車者爲誰子子路曰爲孔丘曰是魯孔丘與曰是是知津矣
若從避世之士裁屨不輟子路以告子憮然曰鳥獸不可與同羣不入孰爲夫子置其杖不耘
子路拱而□止子路宿綴雞如之何其廣之也欲絜其身而亂大倫君子之仕也行其義志辱
身矣言中倫行中慮其斯以乎謂虞仲夷佚隱居

陽擊磬襄入于海 周公謂魯公曰君子不施其親

不該萌在帝心朕躬有罪毋以萬方萬一有罪在朕躬

帝心焉所重民食

寬則目衆敬則有功則說

不驕威而不猛

曰何謂惠而不員子曰□民之

寸尊其瞻視儼

而畏之斯不一威而不猛一

今蕭瀄之內盍毛包周無

詔書與博士臣左立郎

右漢石經殘本共十三方分勒六石乾隆壬子仲夏會稽大守李曉園先生摹置郡庠以復蓬萊舊事長洲陳栻時與桐城姚秋槎金賈徐國齋錢梅溪崑山朱九檢同觀於郡齋之照春堂因識

案後漢書靈帝紀熹平四年三月詔諸儒正五經文字刻石立於太學門外蔡邕傳云邕以經籍去聖久遠文學多謬俗儒穿鑿疑誤後學乃與堂谿典楊賜馬日磾張訓韓說單鳳等奏求正定六經文字靈帝許之邕乃自書丹於碑使工鐫刻於是後儒晚學咸取正焉其後雖屢經喪亂猶未大壞後魏馮熙常伯夫相繼爲洛州刺史毀取以建浮屠精舍大致頽落所存者委於榛莽道俗隨意取之侍中領國子祭酒崔光請遣官守視命國子博士李郁等補其殘缺事寢不行齊神武執政自洛陽徙於鄴都行至河陽值岸圯遂沒於水其得至鄴者不盈大半後

周伐齊毀以爲礫石周宣帝復自鄴城徙洛陽隋開皇六年自洛陽載入長安置於秘書內省
議欲補緝立之國學屬隋亂事又寢營造之司因用爲柱礎唐貞觀初魏徵始收聚之什不存
一其相承傳擗之本猶在秘府此石經之存毀見於魏書北齊書周書隋書者如此廣川書跋
云唐造防秋館時穿地多得石經故洛中人士逮今有之此蓋出之唐時者又云國初開地唐
御史府得石經十餘石此又唐末淪沒出之宋初者也東觀餘論云漢石經在洛宮前御史臺
中年久摧散洛中好事者時時得之張燾龍圖家有十版張氏塔家有五六版王晉玉家有小
塊此宋初所出後復摧散者也畫墁錄云嘉祐末得石經二段於洛陽城乃蔡邕錄書邵氏聞
見後錄云近年洛陽張氏發地得石十數漢蔡伯喈錄尚書禮記論語俱已缺壞此又在御史
府十餘石之外者也宋乾道二年洪文惠公适出知紹興曾以所有尚書魯詩儀禮公羊論語
合二千一百餘字重櫺於州治蓬萊閣至元時已毀不存

本朝順治初北平孫退谷藏有尚書論語百餘字後歸錢唐黃小松司馬家余從而摹得之又
得金匱錢氏所藏雙鉤尚書魯詩儀禮公羊論語并盍毛包周有無不同之說及博士左立姓
名五百餘字說者以爲卽蓬萊閣本也余蒐輯郡志考及金石旣以秦頌德碑櫺於郡學又取
黃錢兩家所藏本并勒之以諗博識君子秦漢諸刻存者日少雖斷碣殘碑尙足寶貴况石經

爲漢儒所手定足以是正聖經不更可寶耶余雖不敢望文惠諸賢而拾殘修廢之志則同也
乾隆五十七年六月朔日知紹興府事鐵嶺李亨特題記

洪适隸釋石經之散亡久矣本朝一統時遺經斷石藏於好事之家猶崑山片玉已不多見
今京華鞠爲泚薊之鄉殘碑日益鮮矣予既集隸釋因以所有錢之會稽蓬萊閣

按此刻與翁氏兩漢金石記大約相同以同出黃錢二家也然翁氏以與隸釋所載間有
增多及不合者疑非蓬萊閣本要之諸家博展鉤摹不無傳會卽如錢本兩浙金石志頗
疑其僞謂隸釋魯詩殘碑父兮父下注云缺一字乃錢氏於此直接曰字後重刻於紹
興府學者又增一缺字以意加減前後不符尙書多方道出於不詳道是道字之誤道終
也故孔作終此今古文異字宋本隸釋此字作迨筆畫微損重刻隸釋者誤認爲道字而
錢本亦仍其謬近見宋槧劉球隸韻所列石經凡一百七十七字嘗逐一核之如尙書洪
範鹹字錢本缺四小點論語爲政端字錢本中間多摹一豎其餘筆畫增損處更不可勝
計蓋彼但據近時所刻隸釋抄集成文非真有舊本也云云予檢此刻俱如其說今姑存
之以畱文惠遺蹟於萬一爾

八卦有畫三墳有書經之原也典教有官養老有庠學之始也歷世雖遠未之或異不幸自周季以來世衰道微俗流而不返士散而無統亂於楊墨賊於申韓大壞於釋老爛漫橫流不可收拾始有重編繁簡棲巨臣輪象龍寓人飾黃金珂駢惟珍之物誘駭愚稚而六經寢微穹閣傑屋上摩霄漢黜黜丹窮極工技其費以億萬計而學校弗治自周衰至五代幾二千歲而後我

宋誕受天命崇經立學以爲治本

十二聖一心罔或忘忽然竊嘗考之方周盛時天子所都旣竝建四代之學而又黨有庠遂有序畿內六鄉鄉黨百五十六遂遂有鄙如黨之數遂序黨庠蓋互見之則是千里之內爲序十有二爲庠三百何其盛也今畿內之郡皆僅有一學校於周不及百之二而又不治則爲之牧守者得無任是責耶會稽拱

行在所爲東諸侯之尉宜有以宣

聖化倡郡國而學亦未稱

給事中栢蒼王公信來爲是邦政成令行民物和樂

臺榭弗崇陂池弗廣而惟學校是先燕遊弗親厨傳弗飾而惟養士是急下車未久與殿崇閭遂字脩廊講說之堂絃誦之舍巨葺巨增不日訖事以其養殖未足也則爲之售常平之田以

其見聞未廣也則爲之求四方之書食有餘積書罕未見然公猶以爲慊曰上丁之禮服器未復古也又爲之新冕弁衣裳帶紳佩舄之屬自邦侯至諸生各以其所宜服鼎俎尊彝豆籩簠簋之屬自始奠至受胙各以其所宜用無一不如禮式公適齋心脩容來宿亏次質明陟降揖遜進退跪起俯首屏氣如懼弗克禮成士僉曰公以躬行先我我處于鄉弗篤於孝悌忠信出而仕弗勉於廉清正直不獨不可見公仰天俯地其何心見父兄長老其何辭教授陳君自強與諸生以其言來告曰願有紀游老病不獲奉俎以從公後喜士之能承公化也於是乎書紹熙二年九月癸酉中奉大夫提舉建寧府武夷山冲佑觀陸游記朝請大夫主管建寧府武夷山冲佑觀詹駉書并隸額

紹雲劉尹刊

阮元兩浙金石志按陸文中有老病語則其時已致仕家居本傳僅載紹熙元年遷禮部郎兼實錄檢討官下云嘉泰二年以孝宗光宗兩朝實錄及三朝史未就詔游權同修國史實錄院同修撰蓋自奉祠致仕閱十二載而後應修史之召也傳於禮部郎以後不書致仕及奉祠事是其闕略

春生按放翁初次致仕在慶元五年是時雖奉祠實未嘗致仕也

詹駉系銜主管冲佑觀此避思陵嫌名

改管勾爲主管也職官志有建州武夷觀據此則又稱冲佑矣

按教授陳自強卽韓侂冑之師也史載自強慶元二年入都不四年登政府其爲紹興教授不書詹駉字晉卿會稽人淳熙二年進士第一官至龍圖閣學士是碑撰書人皆鄉先生而字畫秀勁與放翁記足稱二美且無一殘蝕處可寶也

紹興府進士題名一

碑高七尺八寸廣三尺九寸額隸書紹興府進士題名一八字四行經七寸碑分五列第一列記其四十一行行三十字行書徑七分下四列題名

每列二十四行
正書徑九分

晉史謂會稽有佳山水名士多居之王羲之晚渡浙江遂有終焉之志顧愷之謂千巖萬壑競秀爭流而一時人物如孫綽李充賀循許詢輩皆文藝冠世說友幼讀史長而從仕謂今會稽實拱行闕仕而有職于東蓋無難者亦庶幾見所謂以山水名天下與人物風流之盛者乎而宦海萍遊迄三十年而志弗遂淳熙十六年春始得辱乘傳典倉事於是登秦望探禹穴識其委蛇盤礴之觀而得其溫厚粹美之氣蓋其鍾靈孕秀雲行川流胚胎醞釀發而爲英傑宜有獨盛於斯世者 國朝崇儒右文賦古爲重而東南儒風宏樹盛美會稽爲最焉杜祁公以道德文章功業行實克相 昭陵德在生民勳在史冊足以儀萬世而垂後學如李公光入參大政孫公沔晉貳樞筦顧公臨典制北門陳公揚庭執法中司傅公墨卿正位常伯陸公佃石公景略皆以文學冠春官夏公噩齊公唐皆以賢良應大科傅公崧卿以文藝魁舍選儒學

之秀頡頏上下此非窳翔奮厲之所蘊而雄深秀麗之所鍾耶建炎初 六飛渡江嘗駐蹕于
越而越今爲 陪都蓋古三輔也山川之所形見風化之所漸被其儒風士業流聞彰布益以
昌大要非餘郡可比王公佐詹公駉相望二十餘年之間皆以大策冠多士王公俊石公延慶
莫公叔光皆以進士中宏博石公公轍以奏恩擢魁名而三歲大比賜第于太常者率十餘人
其連取世科伯仲聯第者又間見層出人物之茂實爲衣冠盛事其亦有以權輿於此哉郡之
前進士石朝英陸澤張澤閻辭以告說友曰越之山川則有郡之圖志在越之名卿才大夫則
有 國之信史在若無俟於登載者然鄉之宗老則懼晚學之未聞也人寢遠而寢忘事愈久
而愈墜其不沒前人之事者幾希朝英等將以郡之進士列名于石且請于 府帥聞學尙書
王公願飭工鑲石寘諸郡庠之講堂於以示勸激之意然非文不傳也敢以請說友幸以將指
來越而楚實有材又所身見而目覩者其何可辭則與之言曰夫讀古人之書肄當世之業豈
直取科級釣爵位以夸榮侈盛於鄉曲哉其致君澤民行道及物實自讀書肄業始漢世設科
射策勸以官祿史氏譏之韋氏教子一經志於青紫後世貶焉士之學固有遠者大者今
天子龍飛御天適當興賢之歲越之士將企前慕昔以接踵賢躅而振袂流風者其盍思所以
遠者大者乎雖然越有君子六千人昔人謂其有志行猶齊之士吳之賢良也嗚呼千載之後

其必有仍盛美於前人者說友猶拭目以觀之題名起於慶厯二年前乎此者攷諸登科記則鄉里多不載故不書而杜祁公則大中祥符元年甲科四名進士蓋可攷云是年十一月望日朝議大夫權兩浙西路提點刑獄公事袁說友記并隸額

題名舊刻始於慶厯用登科記修也前此記不詳其鄉里故雖祁公亦不復書闕所不知是固未害然祁公不書何以寓高山景行之瞻教授劉君庶請于府帥待制侍郎單公變礧舊石而增修之訪遺逸於邦之長者得陸公軫以下凡七人遂列祁公於其首自建隆開國距慶厯餘八十年其閒策名多矣未易攷也仍存闕疑之義自慶厯至今百五十餘歲登載日益盛今年

上以

孝廟故未親策多士而莫君子純實爲南宮第一三魁相望於四十餘年之閒是碑重修其風遠矣介既爲書舊記於碑首復叙大略以輔敎事慶元丙辰臘月既望承議郎添差權通判紹興軍府兼管內勸農事王介書

大中祥符元年姚睦勝

杜衍第四人

大中祥符五年徐奭勝

陸慘

傅營

大中祥符八年蔡齊勝

齊今上御
名同音

王絲

天禧三年王整勝

孫沔

傅瑩

天聖八年王拱辰勝

齊唐今上御
名同音弟

寶元元年呂溱勝

沈紳

褚瑾

慶曆二年楊真勝

朱奎

茹約

石衍之

徐紘

慶曆六年賈黯勝